

# 09 《大乘無量壽經解》 法會聖眾品第一

佛陀教育基金會 假日佛學院  
2025 年 07 月 12 日

南無本師釋迦牟尼佛（三稱）

（開經偈）


無上甚深微妙法

百千萬劫難遭遇

我今見聞得受持

願解如來真實義

# 表4 黃念祖《解》總開十門與天台・華嚴之開合



# 【叅、正釋經義】（以下為第十門）

序分	通序 (證信序)	法會聖眾第一	序如首 五官俱存
		德遵普賢第二	
	別序 (發起序)	大教緣起第三	
正宗分	第四品至第四十二品		正宗如身 腑臟無闕
流通分	第四十三品至第四十八品		流通如手足 運行不滯

## 【一、序分】

又序分復分為二：初**通序**。次**別序**。

**通序**，又名**證信序**，諸經皆具。如**天臺**與**嘉祥**等，依《法華論疏》以六種成就為證信序。

六成就者，**宗密**大師曰：

「**一信、二聞、三時、四主、五處、六眾。**

六緣不具，教則不興，必須具六，故云成就。」

以證經文，確為佛說，真實可信，故名證信。

本經之**前二品**屬之。

**別序**，又名**發起序**。乃發起全經之端由。

以法不孤起，起必有由，諸經各別，故又名別序。

……今經**第三品**屬之。

## 初、通序【法會聖眾第一】經文

如是我聞：一時佛在王舍城耆闍崛山中，  
與大比丘眾萬二千人俱。

一切大聖，神通已達。其名曰：

尊者憍陳如、尊者舍利弗、尊者大目犍連、  
尊者迦葉、尊者阿難等，而為上首；

又有普賢菩薩、文殊師利菩薩、彌勒菩薩，  
及賢劫中一切菩薩，皆來集會。

# 【法會聖眾第一】 會譯對照 (1/3)

夏本	如是我聞：一時佛在王舍城耆闍崛山中， 與大比丘眾萬二千人俱，
漢譯	佛在王舍國靈鷲山中， 與大弟子眾千二百五十人……皆隨佛住，
吳譯	佛在羅閱祇耆闍崛山中。 時有摩訶比丘僧萬二千人……都共大會坐，
魏譯	我聞如是：一時佛住王舍城耆闍崛山中， 與大比丘眾萬二千人俱，
唐譯	如是我聞：一時佛住王舍城耆闍崛山中， 與大比丘眾萬二千人俱，
宋譯	如是我聞：一時佛在王舍城鷲峯山中， 與大苾芻眾三萬二千人俱，



# 【法會聖眾第一】 會譯對照 (2/3)

夏本	一切大聖，神通已達。其名曰：尊者憍陳如、尊者舍利弗、尊者大目犍連、尊者迦葉、尊者阿難等，而為上首
漢譯	神通飛化弟子，名曰：知本際賢者 …… 舍利弗賢者、大目犍連賢者、大迦葉賢者 ……
吳譯	皆淨潔一種類，皆阿羅漢：賢者拘隣 …… 賢者舍利弗、賢者摩訶目犍連、賢者摩訶迦葉 ……
魏譯	一切大聖，神通已達，其名曰：尊者了本際 …… 尊者摩訶迦葉、尊者舍利弗、尊者大目犍連 …尊者阿難
唐譯	皆是諸大聲聞，眾所知識，其名曰：尊者阿若憍陳如 …摩訶迦葉、舍利弗、大目犍連…阿難陀等，而為上首
宋譯	皆得阿羅漢，具大神通，其名曰：尊者阿若憍陳如 ……尊者舍利子、尊者大目乾連 ……尊者阿難陀 ……



# 【法會聖眾第一】 會譯對照 (3/3)

夏本	又有普賢菩薩、文殊師利菩薩、彌勒菩薩， 及賢劫中一切菩薩，皆來集會。
漢譯	菩薩七十二那術（那由他，印度數量之名）
吳譯	（無）
魏譯	又與大乘眾菩薩俱，普賢菩薩、妙德菩薩、 慈氏菩薩等，此賢劫中一切菩薩。
唐譯	復有菩薩摩訶薩眾，所謂普賢菩薩、文殊師利菩薩、 彌勒菩薩，及賢劫中諸菩薩摩訶薩眾，前後圍繞。 ……………皆來集會。
宋譯	（無）

## 【法會聖眾第一】 (1/58)

「**如是我聞**」，  
諸經皆置此四字於經首，蓋尊世尊之遺教。

世尊將般涅槃，**阿難**悲不能勝，  
**阿泥樓陀**教之曰：徒悲何益，應前向佛，**請問四事**：  
其一即「一切經首，當置何字？」

佛即答曰：當置「如是我聞」，佛在某方等六事。  
(即上述之「六成就」)

其中「我」字，即阿難。「如是我聞」，  
表**如是法門乃我阿難所聞於釋尊者**也。

## 【請問四事】

阿難請問	佛陀回答
初、問依何而住？	令依四念處住。
二、問佛滅度後， 以誰為師？	以戒為師。
三、問治惡性比丘？	令默擯治之
四、問經首安何語？	令安如是我聞等。

## 【法會聖眾第一】 (2/58)

此正可破當時之疑。

因阿難結集經文時，大眾生起三疑：

一疑佛重生；二疑阿難成佛；三疑他方佛來。

故阿難曰：「**如是我聞**」則群疑頓釋。

或疑曰：佛成道廿年，阿難方出家。

又十年方命為侍者。

如此，則卅年前佛所說經，阿難何能皆曰我聞。

此有三解：**一輾轉聞。二佛重說。三阿難自通。**

## 【法會聖眾第一】 (3/58)

### 一、輾轉聞：

《報恩經》言，阿難所不聞經，從諸比丘聞，或諸天子說。

### 二、佛重說：

《報恩經》言，阿難因佛命為侍者，乃求三願。其中第三乃「所未聞經，請佛重說」，佛許之。

### 三、阿難自通：

《金剛華經》言，阿難得法性覺自在三昧，所未聞經，自能憶持。

願不著佛新故衣、願不食別請佛食、願不非時見佛。

## 【法會聖眾第一】 (4/58)

「如是」者，信成就也。居六種成就中之首位。  
《智度論》曰：「佛法大海，信為能入。」

又《華嚴經》說，信為手。  
如人有手，至珍寶處，隨意採取；  
若人無手，空無所獲。

可見，信者乃入法之初門，捨此莫由。  
又為攝法之上首，  
故云：「纔入信門，便登祖位。」

## 【入信門便登祖位】 (1/2)

延壽《宗鏡錄》卷2：

且夫祖佛正宗，則真唯識性，纔有信處，皆可為入。

若論修證之門，諸方皆云：功未齊於諸聖。

且教中所許，初心菩薩皆可比知，亦許約教而會。

先以聞解信入，後以無思契同。

若入信門，便登祖位。



## 【入信門便登祖位】 (2/2)

《金剛三昧經通宗記》卷9： 「……

若入信門，便登祖位。

昔永明壽禪師嘗以此示人。

又云：此事非上根大智莫能擔荷。

所以先德云：盡十方世界，覓一人伴侶，無有也。

又曰：止是一人承紹祖位，終無第二人，  
須是親到始得。

若未親到，縱曰玄之又玄、妙之又妙。

但是方便門中，旁贊助入之語；

於自己分上，返照之時，

（起一念殊勝不可思議之解）皆為魔境。」

## 【法會聖眾第一】 (5/58)

又「如是」者，指所聞之**法體**，即實相之**理體**。  
**實相妙理**，古今不變，故曰**如**。**如理而說**，故曰**是**。

今依本經，**蕩益大師**曰：

「**依實相理**，**念佛求生淨土**，**決定無非**，曰**是**。」

蓋**實相妙理**，只是當前一念心之自性。

非生非滅，無去無來，湛然常住，故名曰**如**。

依此心性**念佛**，**求生淨土**。

能念是實相心，所念是實相佛，

所生是實相土，咸為實相正印之所印。

故大師曰：「**決定無非**，曰**是**。」

## 【法會聖眾第一】 (6/58)

「我聞」者，聞成就也。

阿難結集法藏時，自言「如是法門，我從佛聞。」  
我者自我，聞者親聞，以告大眾，實可證信。

聖人無我，而阿難仍自稱為我者，不壞假名故。

實相無相，故非同於凡夫之有我，

實相無不相，故非同於二乘之無我。

阿難隨順世間，假名為我，無乖於第一義諦。

又天臺《觀經疏》云：「無我則無聞，  
若無聞化道則絕。……為傳化不絕，假名說我。」

## 【法會聖眾第一】 (7/58)

「聞」者，耳根發耳識，

今不云耳聞，而言我聞，蓋以我字統收諸根識等，  
以總代別，以我代耳，故曰我聞。

以上「如是」表信順，「我聞」表師承，  
我之所聞，皆世尊金口所宣，傳承有自，  
決非他說，或為臆造。以之證信。

## 【法會聖眾第一】 (8/58)

「一時」者，時成就也。

蓋時無實法，長短隨心。延促同時，三祇一念。

如《疏鈔》曰：

或說者得陀羅尼，

一剎那頃，一字之中，說一切法門。

或聽者得淨耳根，

於一剎那，聞一字時，於餘一切悉無障礙。

或說者時少，聽者時多，或說者時多，聽者時少。

或說者神力延促隨宜，聽者根器利鈍不一。

古謂三乘凡聖所見佛身報化，年歲短長，

成佛久近，各各不同故。

今止取佛及弟子師資機感相遇之頃，說聽事畢，

便名一時也。

## 【法會聖眾第一】 (9/58)

又《佛地論》云：「說聽究竟，總言一時。」

是故經中不言某年某月，

但以師及弟子，機應和合，說聽事畢，即名一時。

又經中不舉年月者，各地曆法不同。

又世界時分不一，四天王天一日，便是人間五十年。

且現代科學證明，太陽圍繞銀河系中心運行一周

（即太陽上之一年），相當於地球時間之二萬萬年；

且物體運動速度接近光速時，

則時間隨物體運動速度而變異，本非定量。

故經中祇言「一時」最切實際。



## 【法會聖眾第一】 (10/58)

「佛」者，主成就也。

佛為一切眾生之宗主，故名為主。

又六成就中，主成就最為主故。

「佛」者，梵語為佛陀，

今祇言佛，乃省文也。

譯為華言，則為覺者。

自覺、覺他、覺行圓滿。

自覺異於凡夫之不覺；

覺他異於二乘之獨覺；

覺滿異於菩薩之在因。



## 【法會聖眾第一】 (11/58)

三覺俱圓，眾聖中尊，故稱為佛。

又云**智者**，智即覺之義。

智無不知，所謂得**一切種智**，即覺滿之義。

在本經中，此處**佛**字，

即指大恩慈父，本師**釋迦牟尼佛**。

三覺	自覺	覺他	覺行圓滿
三智	一切智	道種智	一切種智
三覺	本覺	始覺	究竟覺

## 【法會聖眾第一】 (12/58)

「在王舍城，耆闍崛山中」。處成就也。

王舍城古有二說，

一曰上茅城（或作上第城）（舊城），

一曰寒林城（新城），兩說不一。

今據《智度論》中曰：「佛涅槃後，阿闍世王，以人民轉少故，捨王舍大城，其邊更作小城。」

《甄解》云：「本王舍城者，上第舊城也，更作小城者，寒林新城也。此既佛滅後闍王築之，佛何住後城乎？今正佛所住處，明知上第城也。」此說可證，佛說此經是在舊城。

## 【法會聖眾第一】 (13/58)

《慈恩傳》云：

「王舍舊城，處摩揭陀國中，古昔君王多住其內。  
其城又生好香茅，故舉為稱。」

又曰《望西疏》曰：

「若依宗家，應是上茅。」（宗家即善導大師。）  
望西師意，亦謂經中之王舍城，即上茅舊城。  
此說可信，故不引異說。

## 【法會聖眾第一】 (14/58)

《法華論疏》云：

「如王舍城勝餘一切城舍故，…顯此法門最勝義。」

五天竺有十六大城，而王舍城最大。

故在此城說經，以表此經之最勝。

又《大寶積經論》云：

「問云：何故此法唯王舍城說，非餘城廓？」

答曰：釋此法門法王住處故。

喻如王舍，王所止住，故名王舍。

此法門亦復如是，法王住處。

釋成此義故，說住王舍城。」

## 【法會聖眾第一】 (15/58)

耆闍崛山，是王舍城外五山之一。

《淨影疏》曰：

「耆闍山，此翻名靈鷲山也。

此山多有靈仙居住，故名為靈。

亦有鷲居止此山，故名為鷲。」

又「此山頂似鷲頭，又名鷲頭山。」

《西域記》誌此山曰：

「北山之陽，孤標特起。

既棲鷲鳥，又類高臺，空翠相映，濃淡分色。

如來御世垂五十年，多居此山，廣說妙法。」

# 【耆闍崛山】

梵名 Grdhrakūta，巴利名 Gijjha-kūta。

又作祇闍崛山、耆闍多山、崛山。

意譯作靈鷲山、鷲頭、靈山。

位於中印度摩羯陀國首都王舍城之東北側，  
為著名的佛陀說法之地。

其山名之由來，一說以山頂形狀類於鷲鳥，  
另說因山頂棲有眾多鷲鳥，故稱之。

～《佛光大辭典》



## 【法會聖眾第一】 (16/58)

《智度論》曰：

「(節錄)耆山於五山中最勝故。

- 一、此山精舍，近城而難上，  
近城故乞食不疲，難上故雜人不來。  
故多住此，不在餘處。
- 二、是耆山福德吉處，諸聖人喜住處。  
佛為諸聖主，故多住。
- 三、耆闍山是三世諸佛住處故。



## 【法會聖眾第一】 (17/58)

四、是中清淨，有福德閑靜故。

一切諸佛行處，十方諸菩薩讚歎恭敬，  
八部大力眾神所守護、恭敬供養處故。  
諸大乘經多在此山說。

五、是中十方無量智慧福德力大菩薩，  
常來見釋迦牟尼佛，禮拜恭敬聽法故。  
諸大乘經多在此山說。」

《法華論疏》云：

「(節錄)耆闍崛山勝餘諸山。

佛在於此說，顯此法最勝。」故本經即在此山說。

## 【法會聖眾第一】 (18/58)

「與大比丘眾萬二千人俱」。

本品獨標比丘眾及菩薩眾。

第二品末，廣標餘三眾弟子，及諸天眾：

「又有比丘尼五百人，清信士七千人，清信女五百人，  
欲界天、色界天、諸天梵眾，悉共大會。」

經末，則云：

「諸菩薩、聲聞、天龍八部，一切大眾，  
聞佛所說，皆大歡喜，信受奉行。」

## 【法會聖眾第一】 (19/58)

可見說經時，

會中有諸大菩薩、聲聞、  
比丘、比丘尼、清信士、清信女，  
直至諸天梵眾、天龍八部，咸來聽法，  
此乃六成就中之**眾成就**。

會中，有菩薩、聲聞、諸天人等  
與此界四眾弟子**二萬人**同聞，  
**非是阿難獨聞。是可證信。**

## 【法會聖眾第一】 (20/58)

「與大比丘」。

「與」者，共同之義。表佛與大眾共在會中。

「比丘」是梵語，名含三義故不翻。三義者：

一、乞士。謂乞食乞法。

乞食謂，既出家已，乞求自活，不事經營，無所貯積。萬緣俱放，一意清修，故曰，乞食養身。

乞法者，參師訪道，露宿風餐，詢求妙法，期成聖果，故曰，乞法養心。

## 【法會聖眾第一】 (21/58)

二、破惡。正慧觀察，破煩惱惡，  
見思惑（指見惑與思惑）盡，超出三界。

三、怖魔。

妬=妒(ㄉㄨˋ)

如《涅槃》說：魔性妬（據《中華大字典》，  
「妬」有八義，今取其一，「妬」者惡也。）弊，  
忌他勝己，見彼勝己，故懷恐怖。  
又懼其人，多化眾生，同出生死，  
空其境界（魔之境界空虛），故生恐怖。  
若人出家受戒，羯磨成就，地行夜叉，空行夜叉，  
天行夜叉，輾轉讚歎，聲傳欲界六天，魔聞心怖。

## 【法會聖眾第一】 (22/58)

「大」者，梵語為摩訶。  
具有三義：謂大、多、勝。

大者，《彌陀疏鈔》云：

「天王大人所共敬仰，非小德也，名大。」

《淨影》云：「曠備高德，過餘近學，故名為大。」

多者，內典外籍，無不博通，非寡解也，名多。

勝者，勝過餘學，超於九十六種外道之上。



## 【法會聖眾第一】 (23/58)

再者，《佛地論》另有三義。

一、最極利根，波羅密多種性。

二、得無學果位。

三、得小果已，趨大菩提。

以上三義，故名曰「大」。

又嘉祥師謂「大」有三義：

一、生大解。二、破大惡。三、證大果。

由上可見大比丘者乃德高望重，迴小向大之比丘，乃比丘眾中之尊宿。



## 【法會聖眾第一】 (24/58)

「萬二千人俱」標比丘之人數。

曰《會疏》曰：

「諸經多標千二百五十人。

今經與《法華》標萬二千人，蓋是出世本懷，一代勝會，故十方大德皆雲集乎。」

上說甚是，會眾之盛，正表世尊說法之勝也。

又「俱」者共集之義。

## 【法會聖眾第一】 (25/58)

「一切大聖，神通已達」。

上二句，讚諸大比丘之德。

「一切」，乃該羅事物之稱，又「一切」，普也。

「一切大聖」，讚嘆之辭。

《嘉祥疏》：「遊心空理，隱顯難測，故稱聖人。」

《會疏》曰：「初果已上，悉名聖者。」

以究大阿羅漢，故名大聖。

亦可雖外現聲聞，內秘菩薩之行，故名大聖。」

## 【法會聖眾第一】 (26/58)

《淨影疏》曰：

「大有二義：一位高名大，  
……二德勝名大。……會正名聖。」

綜上可見，

或從德而言，契於空理，會合正道曰聖；

或從位而言，初果以上稱聖。

唯迴小向大，行菩薩道，直趣佛果者……，

或大權示現者，方名大聖。

## 【法會聖眾第一】 (27/58)

又淨影曰：「神通已達，嘆其德勝。」

所為神異，故名曰神。無壅曰通。」

「所謂身通、天眼、天耳、他心、宿命及與漏盡。」

故知「神」為不測之義，「通」為無礙之義。

「達」者，嘉祥曰：

「達者言證，證六通三明等是也。」

阿難當時，雖未得漏盡，但以當機，應須並列。

## 【法會聖眾第一】 (28/58)

又淨影釋曰：

「阿難增上利根，雖居學地（未得無學果位），  
而成無上勝妙功德，故曰大聖。

於神通中，解了畢竟（徹底了解），亦名已達。」

是故阿難亦得名列「一切大聖，神通已達」。

## 【法會聖眾第一】 (29/58)

「其名曰，尊者憍陳如」。

「尊者」，梵語阿梨耶，譯為聖者、尊者，  
謂智德具尊者，乃阿羅漢之尊稱。

淨影曰：「有德可尊，故曰尊者。」

《會疏》曰：「尊謂尊貴，有德可貴，故曰尊者。」

「憍陳如」梵文全名，作阿若憍陳如。

阿若是名，憍陳如是姓。

譯為華文是「了本際」、「知本際」，或作「已知」、

「無知」（無知之義，非無所知，是知無之義）。

## 【法會聖眾第一】 (30/)

淨影曰：

「阿之言無，若之言智，證無成智，故曰無智。

『無』是一切諸法本性，名為本際。

於此本際知見明了，名了本際。」

憍陳如於世尊初轉法輪，度五比丘時，首先悟道。

《法華文句》曰：「是釋迦法中最先開悟。」

《增一阿含經弟子品》中，

佛稱之為「我聲聞中第一比丘，寬仁博識，  
善能勸化，將養聖眾，不失威儀。」



## 【法會聖眾第一】 (31/58)

今經首列尊名，

正表能聞受此經法者，皆是第一弟子。

本經〈非是小乘品〉曰：

「得聞阿彌陀佛名號，能生一念喜愛之心。

歸依瞻禮，如說修行。……當知此人非是小乘。

於我法中，得名第一弟子。」

# 【五比丘】

梵文	音譯	意譯	其他翻譯
Ajñāta-Kaundinya	阿若- 憍陳如	初解- 火器	拘鄰、憍鄰如、 知本際、了本際
Bhadrika	跋提	小賢 仁賢	跋陀羅、跋提梨迦、 婆提、婆帝利迦
Mahā-nāman	摩訶男	大名 大號	拘利、摩男拘利、摩訶那摩、 摩訶摩男、俱利、俱利太子
Vāspa	跋波	播種 正願	波沙波、婆敷、波濕波 十力迦葉
Aśvajit	阿說示	馬勝 正語	阿濕婆、阿濕波誓、阿奢逾時、 阿說恃多阿鞞、頽陞、頽鞞

## 【法會聖眾第一】 (32/8)

「尊者舍利弗」。

梵語舍利，譯為鶩鶩。梵語弗，譯為子，故曰鶩子。因母得名。其母身形端正，眼淨如鶩鶩，乃名鶩子，謂是鶩鶩之子。又名珠子，亦表其母眼淨如珠。

又名身子，表母身端正。

舍利弗在佛聲聞弟子中，智慧第一。在母胎時，能令母得妙辯，勝於乃舅俱絺羅（後亦證阿羅漢）。八歲登座，十六大國，議論無雙。

七日之內，遍達佛法。本經說此一切世間難信之法，惟大智者，始能深信不疑。故列上首，僅次憍陳如。

## 【法會聖眾第一】 (33/58)

「尊者大目犍連」即《阿彌陀經》中摩訶目犍連。摩訶即是大義。目犍連是姓，譯為一、讚誦；二、采菽；三、菜菔根等。其族出家人多，故於尊者姓氏冠以大字，曰大采菽（大目犍連）以揀別之。其名為拘律陀，父為相國，從拘律陀樹神祈求得子，因以名之，於佛弟子，神通第一。《智度論》曰：「如舍利弗，於智慧中第一，目犍連神足第一。」又「舍利弗是佛右面弟子。目犍連是佛左面弟子。」尊者神通甚廣。例如舉一城釋種，上升梵天；外道移山，制之不動，及降服毒龍等等。難以具述。

## 【法會聖眾第一】 (34/58)

「尊者迦葉」。迦葉，姓也。此譯為龜或飲光。

名畢波羅，亦樹名，

因父母禱於該樹神而生，故用以為名。

尊者乃大富長者之子，能捨大財，修頭陀大行，  
為大人所識，故名為大迦葉，

以別於同時之三迦葉：

一、十力迦葉；二、童子迦葉；三、童女迦葉等。

## 【三迦葉】

迦葉，梵名 Kāśyapa，意為光波，因其身光炎湧……

(一)優樓頻螺迦葉（梵 Uruvilvā-kāśyapa），  
優樓頻螺，意為木瓜林；以其居處近於此林，故稱。  
其將護四眾，供給四事，令無所乏。

(二)那提迦葉（梵 Nadi-kāśyapa），  
那提，意為河；以其居止近此河，故稱。  
其心意寂然，降伏結業，精進修行。

(三)伽耶迦葉（梵 Gayā-kāśyapa），  
伽耶，意為城；以其居家在王舍城南七由旬，故稱。  
能觀了諸法，都無所著，教化眾生。

三人原系事火外道，各有徒眾五百、三百、二百，  
佛成道後不久，即秉佛之教化，歸入正法。



## 【法會聖眾第一】 (35/58)

又迦葉譯為龜，

《法華文句》云：

「其先代學道，靈龜負仙圖以應。  
從德命族，故云龜氏。」

又云飲光。

因於毘婆尸佛時，為冶金師。

與一貧女，共以黃金，莊嚴佛像。

自爾以來，九十一劫，身如黃金，

光色晃耀，掩蔽餘色，故名飲光。

（飲指吞，光吞諸色，即飲光義。）



## 【法會聖眾第一】 (36/58)

尊者，頭陀行第一。**頭陀**者梵語，此云**抖擻**或云**淘汰**，以十二行淘汰塵勞煩惱。

十二行者：一、**住阿蘭若**（寂靜處）；  
二、**常行乞食**；三、**次第乞**；四、**日中一食**；  
五、**節量食**；六、**過中**（午時）**不飲漿**；  
七、**著糞掃衣**；八、**但三衣**；九、**塚間坐**；  
十、**樹下宿**；十一、**露地坐**；十二、**但坐不臥**。  
以斯苦行，掃除塵累，澄淨身心。

迦葉年老，不捨頭陀。佛憫其衰，勸命休息。  
迦葉頭陀如故。佛乃深讚云：

「**有頭陀行，我法久存。**」故云頭陀第一。

## 【法會聖眾第一】 (37/58)

尤應深省者，大迦葉尊者，即傳佛心印之**禪宗初祖**。

《大梵天王問佛決疑經》云：

「(節錄) 梵王至靈山，以金色鉢羅華獻佛，  
捨身為座，請佛為眾生說法。世尊登座，拈華示眾，  
人天百萬，悉皆罔措。獨有金色頭陀，破顏微笑。

世尊云：『吾有**正法眼藏**，涅槃妙心，

實相無相，微妙法門，付囑摩訶迦葉。』」

此即世傳之**拈花公案**。

世尊傳心於迦葉，為禪宗初祖，

迦葉再傳於**阿難**，為**二祖**。

今上首中，標舉大迦葉，正表**禪淨不二**之深意。

# 【法會聖眾第一】 (38/58)

「尊者阿難等」。

唐宋譯作阿難陀，略稱阿難。

譯曰慶喜、歡喜。又云無染。

乃白飯王之子，佛之堂弟也。生於佛成道日。

淨飯王既聞太子成佛，又聞宮中誕子，更增歡喜。

乃曰，今日大吉，是歡喜日。

語來使言，是兒當字為阿難。

又尊者端正清淨，如好明鏡，見其相者，

聞其聲者，睹其威儀者，莫不歡喜，故以為名。

## 【法會聖眾第一】 (39/58)

又尊者隨佛入天宮龍宮，心無樂著，故名無染。  
佛壽五十五歲時，阿難出家，侍佛二十五年，  
佛所宣說，悉能憶持，不忘一字。

《涅槃》稱阿難「多聞士」。

又迦葉讚曰：「佛法大海水，流入阿難心。」  
故曰，多聞第一。

「等」者，魏譯中列三十一人，  
今會本僅列舉其中上首五人之名，  
故曰阿難等，以概其餘。

## 【法會聖眾第一】 (40/58)

「而為上首」，

今稱首座為上首。大眾一座之上位，稱為上首。

各經中上首人數不同。

例如《稱讚淨土佛攝受經》

於大苾芻一千二百五十人，列舍利弗、目犍連、大迦葉、阿泥律陀等四人為上首。

今經則憍陳如五人等為上首，

是乃一切大聖神通已達之大尊者中之上首。

## 【法會聖眾第一】 (41/58)

按「一切大聖，神通已達」之句，本為菩薩歎德。如《密迹金剛力士經》云：「與大比丘眾俱四萬二千，菩薩八萬四千，一切大聖，神通已達。」

今此經中以讚歎菩薩功德之語，以讚聲聞。正表此等常隨聖眾，本**法身大士**，**隱本垂迹**，或**他方聖眾**，**助佛宏化**，為影響眾。

「一切大聖」，指其**本地**，本是究竟菩提之人故。「神通已達」者，示**權迹**。遊戲神通來此土故。故知**所列之聲聞眾**，皆是大權示現，**助我世尊，開顯淨土法門也。**



## 【法會聖眾第一】 (42/58)

綜上五聖，

了本際，謂了知其久遠之本際，故首列之。

身子智慧第一，表彌陀之佛智、  
不思議智、不可稱智、大乘廣智、  
無等無倫最上勝智之深廣無涯。

目連之神通第一，顯遊戲神通之誓願。

大飲光，顯彌陀殊勝光明，無不照見，  
光中極尊，佛中之王。

慶喜表聞名歡喜，悉得度脫。



## 【法會聖眾第一】 (43/58)

又迦葉是宗門初祖，阿難為二祖，

阿若憍陳如表當人之本際，

舍利弗表眾生本具之智慧，

目連即眾生本有之神通，

飲光表靈光獨耀，迴脫根塵，

慶喜表慶快平生，心心相繼。

故知一部大經，正是付法傳心；

一句名號，直顯本來面目。

於此薦得，始稱帶角之虎。

但當薦直念去，便是無上深禪。

無論定持散念，決定功不唐捐。

# 【五聖】表法意義

憍陳如 (了本際)	舍利弗 (鷲子)	大目犍連 (大采菽)	迦葉 (大飲光)	阿難 (慶喜)
了知其 久遠之 本際	智慧第一 彌陀之智 深廣無涯	神通第一 顯遊戲神 通之誓願	顯彌陀 殊勝光明 光中極尊 佛中之王	聞名歡喜 悉得度脫
當人之 本際	本具之 智慧	本有之 神通	靈光獨耀 迴脫根塵	慶快平生 心心相繼

# 【法會聖眾第一】 (44/58)

本經先列聲聞，後彰菩薩。

正如《佛地論第二》云：「先說聲聞，後說菩薩。

聲聞眾者，近對世尊，親受化故。

又諸聲聞，常隨佛故，形同佛故。」

是故諸經多是先聲聞，而後菩薩。

「又有普賢菩薩」。

菩薩乃梵語之略存，具足應云「摩訶菩提質帝薩埵」。

「摩訶」譯為大，「菩提」譯為道，

「質帝」譯為心，「薩埵」譯為眾生或有情。

合之則應為大道心眾生。簡稱菩提薩埵，義為覺有情。

# 【法會聖眾第一】 (45/58)

同佛所證之謂覺，無明未盡之謂情。

又覺是所求佛道，有情是所化眾生，

利生為急，廣度群生同登大覺，故謂覺有情。

菩薩二字則是最略者也。

云何為大道心眾生？以具四種大故。

四種者《清涼疏》謂：

一者願大，求大菩提故。二者行大，二利成就故。

三者時大，經三無數劫故。四者德大，具足一乘諸功德故。

此亦含攝《法華》之六大：

一信大法；二解大義；三發大心；

四趨大果；五修大行；六證大道。

以具上述諸「大」故，名為大道心眾生。

## 【法會聖眾第一】 (46/58)

「普賢」亦名遍吉，《清涼疏》謂普賢有三：

- 一、位前（但發普賢心）；
- 二、位中（等覺菩薩）；
- 三、位後普賢（得果不捨因行，  
謂成佛仍不捨因地之行）。

《疏》謂普賢之義為

「果無不窮曰普，不捨因門曰賢」。

此即位後之普賢，是為如來之化現也。

至於《會疏》云：

「體遍法界，故曰普。位鄰極聖，故曰賢。」  
是為位中普賢，乃等覺菩薩也。

## 【法會聖眾第一】 (47/58)

《會疏》又云：

「能導御一切，發十大願王，願西方往生，  
特翼讚彌陀，故於此經是為上首。」

又《探玄記》曰：

「德周法界曰普，至順調善曰賢。」

《大日經疏一》曰：

「普賢菩薩者，普是遍一切處。賢是最妙善義。  
謂菩提心所起願行，及身口意，悉皆平等，  
遍一切處，純一妙善，備具眾德，故以為名。」



## 【法會聖眾第一】 (48/58)

普賢、文殊乃釋迦如來之二脇士，侍佛左右，乃釋尊會中上首，在華嚴會上，亦是上首。

又普賢菩薩為一切諸佛之長子。

《四十華嚴經四十頌》曰：

「一切如來有長子，彼名號曰普賢尊。」  
可見普賢正是如來法身之所流現，  
化作等覺大士，襄讚釋尊，演唱聖教。

若據密教，普賢即是密教初祖金剛薩埵。  
金剛薩埵即是金剛手菩薩摩訶薩。

《聖無動尊大威怒王秘密陀羅尼經》曰：  
「此金剛手是法身大士，是故名普賢」



## 【法會聖眾第一】 (49/58)

又金剛智之《五秘藏訣》曰：

「金剛薩埵者，即是普賢大菩薩異名也。

亦名一切如來長子，亦名大阿闍黎。」

本經〈德遵普賢第二品〉中，  
復有「為教菩薩，作阿闍黎」之文。

今此經中，普賢大士，列最上首，正顯密淨不二，  
故先師夏老云：「淨土即是密教顯說。」

（藏密紅教祖師蓮花生大士，即阿彌陀佛之化身佛，  
故紅教尊崇彌陀，勸生極樂，遠盛於其它教派。  
密淨不二之旨，於本解中，暫不詳論。）

## 【法會聖眾第一】 (50/58)

「**文殊師利菩薩**」。文殊師利，亦云**曼殊室利**。

此云**妙首**，亦云**妙吉祥**，亦云**妙德**。是**諸佛之師**。

《放鉢經》曰：「今我得佛，……皆文殊師利之恩也。」

……過去無央數諸佛，皆是文殊師利弟子。

當來者亦是其威神恩力所致。

譬如世間小兒有父母。文殊者，佛道中**父母**也。」

如《心地觀經》曰：「三世**覺母**妙吉祥。」

又「**妙德**」者，《法華嘉祥疏二》曰：

「文殊，此言妙德。以了了見於佛性故。

德無不圓，累無不盡，稱妙德也。」

《會疏》曰：**具三德秘藏**，神化不思議，故名**妙德**。

## 【法會聖眾第一】 (51/58)

妙吉祥者，《圓中鈔》曰：

「微妙三德，同佛所證，故亦云妙吉祥。……

惑業苦三，有少分在，皆未吉祥。

位居究竟，三德圓彰，故又號妙吉祥也。」

文殊於菩薩眾中，智慧第一。本為龍種尊王如來。現在北方常喜國成佛，號寶積如來。未來成佛，號普見如來，故知文殊大士乃過現未三世成佛者。

今示現會中，大智獨尊。

表此法門，惟大智方能信入。

又妙德者，了了見佛性故，

今鄰普賢位列上首，正表禪淨不二之旨。

## 【法會聖眾第一】 (52/58)

「彌勒菩薩，及賢劫中一切菩薩，皆來集會。」

彌勒，此云慈氏，菩薩之姓也。

名阿逸多，此云無能勝。具足則為慈無能勝。

《彌陀疏鈔》云：

以在母胎中，即有慈心，故以名族。

又過去生中，遇大慈如來，願同此號，即得慈心三昧。

又昔為婆羅門，號一切智，於八千歲，修習慈行。

又弗沙佛時，與釋迦如來同發菩提心，常習慈定。

又《思益經》云：『眾生見者，即得慈心三昧。』

又《悲華經》云：『發願於刀兵劫中擁護眾生。』

是則慈隆即世，悲臻後劫，

至極之慈，超出凡小，故無能勝。

## 【法會聖眾第一】 (53/58)

大士位居補處，現在兜率內院。

四千年後

(指兜率天之四千年，  
相當於地球上之五十七億六千萬年)

下生此界成佛，福德殊勝。

三會龍華，度生無量。



# 【法會聖眾第一】 (54/58)

本經以上**三大士**為菩薩眾中上首，  
蓋因三大士淨土緣深，正好**影響海會大眾，同歸淨土。**

《普賢行願品》中普賢菩薩於逝多林中，發**十大願王。**

繼云：「是人臨命終時，最後剎那，

一切諸根悉皆散壞，一切親屬悉皆捨離，  
一切威勢悉皆退失，輔相大臣、宮城內外、  
象馬車乘、珍寶伏藏，如是一切無復相隨。

**唯此願王不相捨離。於一切時引導其前，  
一剎那中即得往生極樂世界。**

**到已，即見阿彌陀佛。」**



又偈云：【法會聖眾第一】 (55/58)

「願我臨欲命終時，盡除一切諸障礙，  
面見彼佛阿彌陀，即得往生安樂刹。  
我既往生彼國已，現前成就此大願，  
一切圓滿盡無餘，利樂一切眾生界……。」

又《文殊發願經》云：

「願我命終時，滅除諸障礙，  
面見阿彌陀，往生安樂刹。  
生彼佛國已，成滿諸大願，  
阿彌陀如來，現前授我記……。」

如是兩大士，發殊勝大願，求生極樂，  
可勸一切菩薩，皆仰信文殊之大智，入普賢之大行，  
普導眾生，同歸極樂。是故此經，列為上首。

## 【法會聖眾第一】 (56/58)

列**彌勒**者，《大寶積經發勝志樂會》彌勒問佛：

「若有眾生發十種心，隨一一心專念向於阿彌陀佛，是人命終當得往生彼佛世界。世尊！

何等名為發十種心，由是心故，當得往生彼佛世界？」

可見彌勒大士正是襄贊釋尊同宏淨宗妙法也。

又本經中**第卅二品**下彌勒當機。

**第四十六品**，佛付囑彌勒大士曰：

「我今如理宣說如是廣大微妙法門，一切諸佛之所稱讚，付囑汝等，作大守護……當令是法久住不滅。」

**彌勒承佛付囑**，宏持是經，是故大士，不但當來龍華會上，必說此經。直是**盡未來際**，亦必**常說不絕**。

## 【法會聖眾第一】 (57/58)

「**賢劫**」。現在之住劫，名為賢劫。  
在此大劫中，有**千佛出世**，故名賢劫。

《悲華經五》曰：

「(節錄)此佛世界，當名**娑婆**。時有大劫，名曰**善賢**。  
是大劫中，有**千世尊**，成就大悲，出現於世。」  
據《佛祖統記》此劫中，第一佛名**拘留孫佛**，  
次為**拘那含牟尼佛**，三為**迦葉佛**，四即為今之  
**釋迦牟尼佛**，此後有**彌勒**等**九百九十六佛**相繼出世。  
今此會中，彌勒與其他賢劫中成佛之九百九十五大士  
皆來集會，聽佛說法，故知賢劫中未來一切諸佛，  
皆必同宣此經。(另說，賢劫共一千零五佛，彌勒以下  
一千零一人，未成佛。非所常見，故不詳錄。)

# 【【三大士】表法意義

普賢菩薩 (遍吉)	文殊師利菩薩 (妙德)	彌勒菩薩 (慈氏)
大行	大智	大慈
十大願王 導歸極樂	殊勝大願 求生淨土	承佛付囑 同弘淨土
密淨不二	禪淨不二	千佛同宣

## 【法會聖眾第一】 (58/58)

以上第一品，

以信、聞、時、主、處、眾六種成就，  
為本經證信。

經中大比丘眾萬二千人，

超越餘經，同於《法華》。

又普賢最為上首，同於《華嚴經》。

亦表本經之同於上之圓教二經也。



雪廬老人淨土詩偈

念佛不改心  
等於說空話  
心口若相應  
立見佛菩薩





# 迴向偈

願以此功德，莊嚴佛淨土。  
上報四重恩，下濟三塗苦。  
若有見聞者，悉發菩提心。  
盡此一報身，同生極樂國。